



Ilulissat ulloq 14. august 2015.

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqqut imaattoq saqqummiuppara.

(inatsisartunut ilaasorta, Anthon Frederiksen, Partii Naleraq)

Naalakkersuisunut apeqqut:

1. Utoqqaat namminerisaminnik illullit, rør-rinik qerisoornermi, kissarsuutip , kiassaatilluunniit ajortinnerisigut/aserornerisigut il.il. ikiorserneqarnissamut qanoq periarfissaqarpat ?
2. Inissiani ilaallu ilanngullugit kiassarnermut akiliutip tapiissuteqarfigineqarsinnaanera (boligsikring) Naalakkersuisut suliniutiginiarpaa-at ?

Tungavilersuut:

Naluneqanngilaq utoqqaat namminerisamik illullit utoqqalinersiutaannarnik isumalluuteqaleraangamik amerlanertigut illumik nutarterinissamut allanulluunniit akissaqarniarnerat ajornarluinnarsinnaasartoq. Tassa pingaartumik rør-inik, kissarsuummik allanilluunniit ajortittoqartillugu amerlanertigut kommunimiit ikiorserneqarsinnaanerat ajornarluinnartinneqartarmat.

Taamaattumik apeqqutit qulaani ujartorneqartut akissuteqarfigineqarnisaat assut kissaatiginarpoq.

Tassami utoqqaat pisortat inissiaataanni najungaqartut, qulaani ajornartorsiutinik nalaataqarneq ajorput, naak soorunami aamma taakku allatigut ajornartorsiuteqartaraluartut.

Amerlanertigut ilisimaneqarpoq ilaqutariippassuit ilaat ineqarnermut akiliuteqartarnermi angummanniapilooqisut, allaammi ilaqutariit ilarpassui inigisaminniit anisitaasarput, taamaammat assut kissaatiginarpoq kiassarnermut aningaasartuut boligsikringimik naatsorsuisarnermut ilanngunneqarnissaat.

Taamaammat Partii Naleqqamiit assut soqutigaarput, Naalakkersuisut ineqarnermut tapiissutaasartut pillugit qanoq pilersaaruteqarnersut.

Apeqqutip ullut suliffiit qulit qaangiutinnginnerini akissuteqarfigineqarnissaa Partii Naleqqamiit piumasaraarput.